


Мерзімді

басылымдар за...



1934 жылғы
10 қаңтардан
шыға бастады

ҚАЗАК

СДЕБІШТІ

www.writers.kz

www.qazaqadebieti.kz



ОЙ ИЕСІ, ӨНЕР ИЕСІ (М.Ф.Ахундовтың тұғанына 150 жыл толуына)

Жаңаны аңсап, өнегелі өріс тауып, халықтың игілігі үшін көптің ортасына үлгі шашып, өнер тастаған қайраткердің, өнер иесінің аты ешқашан да ұмытылмайды, қайта уақыт өткен сайын оның халық, қауым алдындағы қасиетті, сінірген еңбегі ашыла, терендей түседі. Мінеки, дәл осындай, біздің заманымызбен бірге жаңғырып, ажарын аша түскен бағалы мұра — азербайжан халқының аса ірі драматург жазушысы, қоғам қайраткері Мырза Фатали (Фатх-Әли) Ахундовтың творчестволық казынасы.

Ахундов 1812 жылы Нұха қаласында туған. Жастай әкесінен айырылып, жақын ағайыны Әлескердің қолында өседі. Ол Ахундовқа дін оқуын оқытады. Бірақ дін жолы талапты жасты қызықтыра алмайды. Белгілі ақын Мырза Шәфиден ақыл-кеңес алғаннан кейін, Ахундов молла болудан мүлде бас тартып, жаңаша оқуға, орыс мәдениетін білуге ұмтылады. 1833 жылы ол Нұха қаласындағы орыс-татар училищесіне түсіп, орыс тілін үйренуге күш салады.

Ахундов 30-жылдардың басынан бастап өлең жазумен шүғылданып жүреді екен. Және арап, парсы тілін біліп, шығыс халықтарының әдебиетімен таныс болған соң, алғашқы кезде шығыс классиктерінің үлгісінде жазуды әдет қылады. 1834 жылы Ахундов Тифлис қаласына келіп, содан ұзак жылдар шығыс тілдерінде жазылған әртүрлі ресми қағаздарды аударатын қызметкер болып істейді. Енді оның жаңа творчестволық бағыт іздеуіне толық жағдай туады. Ахундовтың аса зер салыпқұлеле оқитыны Ломоносов, Державин, Карамzin, Пушкин шығармалары болады. Жазушының бұдан кейінгі кездерде жазған шығармаларынан жаңа үн есіп, халықтық, реалистік сипат айқын көріне бастайды. Сөз жоқ, бұл оның орыстың озат ой-піеірлерін, әдеби үлгілерін менгеріп, бойына сініріп, содан алған нәрі еді.

Ахундовтың жүртшылық назарын бірден аударған әдеби туындысы — А.С.Пушкиннің өліміне байланысты жазған «Мұнды жыр (қасыда)» атты өлең шығармасы. Осы бір өте әсерлі, сезімге толы жырында Ахундов ұлы Пушкиннің өміріне қастық еткен жауыз топтың жендеттік, жексүріндық ісін әшкереңдейді. Пушкин поэзиясының артықшылыққасиеттерін шабыттана айтып, ұлы ақынды «поэзия дүниесінің әміршісі» деп атайды. Совет халықтары әдебиетінің өткендердегі өсу жолына мейлінше қанық Мұқтар Әуезов өзінің бір еңбегінде Ахундовтың Пушкин қазасына күйзелген қалың елдің қайғысын, көп ұлтты Россия жүртшының ақынға деген мейірімін ол қайтыс болған жылы тебірене жырға қосқанын ерекше атаған болатын. Осы өлең 1837 жылы «Московский наблюдатель» журналында басылды. Орысшаға жазушы өзі аударған. Бұл — М.Ю.Лермонтовтың Пушкин өліміне арнап толғана жазған жалынды жыры Россияның түкпір-түкпіріне кең тарап,

көп адамның жадында жүрген кез. Енді Лермонтовтың осы жылы сөз болғанда, Ахундовтың өлеңі де ауызға алынып, оның аты Лермонтовпен қатар аталатын болады. Кейін бұл өлеңді қарасөзбен орыстың белгілі декабрист-жазушысы А.А.Бестужев — Марлинский аударады. Бестужев 1829 жылы айдауда жүрген жерінен Кавказға ауыстырылған болатын. Ахундов екеуі досжар, жақын болып кеткен. Бұл жағдай Ахундовтың патша саясатын, революциялық күрес, әлеуметтік тартыстың мәнін түсінуіне себепші болғаны сөзсіз.

Ахундов драмалық шығарма жазуға өте-мөте көңіл аударған. Бұл салада ол әзербайжан әдебиетінде тыңдан өрнек салып, жаңадан жол ашқан жазушы болды. Оны «азербайжан Мольері» деп тегін атамаған.

«Молла алхимик Ибраһим Халел (некаіети Молла Ибраһим Халил киміәкәр)» деген комедиялық шығармасында жазушы елді алдап жүрген бір дүниекор арамза адамның бейнесін жасайды. Әлгі арамза: мен қасиетті тас таптым, бір пүт мысқа бір түйірін қосса, түгел алтын болып шығады, деп лақап таратып, елдің ақшасын жиып алып қашып кетеді. Дәл осындай жалғаншы адамның бейнесі Абайдың «Әзім» атты өлең-әңгімесінде де бар екені белгілі. Сонау «Мың бір тұннен» жалғасқан бұл сюжетті Ахундов азыз-ертеңіден емес, өмірдің өзінен алған. Дүлей қараңғылық айықпаған феодалдық дәуірде «шарифат» атынан сөйлеп, елді алдаушылар әлі де арылмаған болатын. Осы сюжетті жазушы әртүрлі топ өкілдерінің типтік образын жасау мақсатына бағындырады. Жоғарғы таптан шыққан мансапқа, малға құмар адамдарды қандай нанымды бейнелесе, адал еңбек қана дәuletке, бақытқа жеткізеді деп санайтын кедей ақын Фаджи Нұридың образын да соншалық шебер суреттейді.

Жазушының тағы бір көрнекті комедиясы «Ботаник мусье Жордан» (некаіети күсіө Жордан һәкими-нәбатат) 1851 жылы Петербургта қойылды, кейін 1906 жылы Парижда басылды.

Жазушының таңдаулы шығармаларының қатарына «Сараңның бастан кешкендері» («Сәркүзәштимәрди-хәсис») атты комедиясын қосуға болады.

Саудагер Қара — ақшаның құлы, ашқөз, сараң адам, ол үй-ішін, дос-жарын ақшага сатып жіберуден тайынбайды. Атақты тұқымнан шыққан Файдар бек егін салу, адал сауда қылуды өнімі аз еңбек деп кемсітеді. Мал, дәүлетті тұзу жолмен іздемей, жаманшылыққа, кезегендікке еліреді, ұрлық пен өтірікке арланбайды: Жазушы халық қамын ойламайтын өзімшіл, өрісі тар адамдарды қатты сынайды.

Ахундовтың қарасөз түріндегі көркем шығармасы — «Алдамшы жұлдыздар» («Алдамыш кәвакиб») атты повесі. Бұл ескі ұғым-нанымды, мешеулікті әшкерелеудің тамаша үлгісі, өткір мысқыл, аңы сықақты ерекшелік сипатымен көз тартатын шығарма.

Сын-зерттеу еңбектерінде Ахундов көркем әдебиеттің тәрбиелік мәні, өмір шындығын көрсетуі, сөз өнерінің дамуы жайлы бағалы пікірлер айтады.

Бұл пікірлері оның әлеуметтік, философиялық көзқарасымен тамырлас, іштей бірлес келеді.

Саяси-философиялық тақырыпты сөз қылатын еңбектеріне көз салсақ, олардың ең бір күрделісі «Кемалуддовленің хаттары» («Кемалуддөвлө мәктублары») дей аламыз. Мұнда қоғам өмірінің көптеген өзекті, мәнді мәселелері қозғалып, материалистік, атеистік ой-пікірлер, тұжырымдар айтылған. Сол дәуірдегі қоғамдық жағдайды, таптар арасындағы қайшылық — құресті молынан талдай келе, Ахундов әлеуметтік өмірді түптеп өзгерпесе, өмірге өнімді өзгеріс, үлкен жаңалық кіргізбесе болмайды деп туиді. Халық феодализм бұғауынан босап, азаттық алса, ел қолына ерік, еркіндік тисе сонда ғана мәдениетке, шынайы ғылым мен өнерге жететін жол ашылмақ, мүмкіншілік тумақ. Ахундов халыққа бір-ақ ғылым керек дейді. Ол — халықтың арман-мұддесіне, нысанана-ниетіне орайлас жақын, жаңа заманның талабына сай ғылым. Ал дін мен қандай да болсын ескі нанымды баянсыз іс, құр елес, сағым қуғанмен тең деп бағалайды, діннің халықты езудің, қараңғылықта ұстаудың құралы екенін айқындаиды.

Халықты қанаушылықты, қatalдықты, ескілік — мешеулікті және діни көзқарасты сынап, әшкерелеу жағынан Ахундов орыстың ұлы революционер-демократтары Белинский, Чернышевскиймен үндес шығып отырады. Ахундов шығармаларын оқығанда оның улы, өткір сыйқағы, отты, лепті пафосы революционер-демократтардың еңбектерінің сипат-ерекшеліктерін еріксіз еске түсіреді. Осы соңғы аталған еңбегіне Ахундовтың өзі де ерекше мән бергені байқалады, ол оны үш тілде — азербайжан, орыс және парсы тілінде жазып шыққан. Жазушының басқа бірталай шығармасы да сол кездің өзінде-ақ орысша басылды, кейінірек парсы, ағылшын, француз, неміс тағы басқа тілдерде тарады.

Өзінің творчестволық үнімен, жазушылық сипат-сырымен Ахундов қай халыққа болсын жақын, аса қадірлі.

Орыс классиктерінен үйрену, олардың шығармаларын үлгі ету, елге тарату — міне бұл игілікті дәстүрді орнықтыруда қазақ халқының атақты ағартушылары Шоқан, Үбірай, Абайлар Ахундовқа ілесе, жалғаса шықты, онымен іштей туыстас болды.

Ахундовтың творчествосы, оның озат ой-пікірлері, жазушылық еңбегі жаңа ұрпаққа қызмет етіп, есімі халқымыздың сүйіспеншілігіне бөленді.

Зәки АХМЕТОВ